



COMUNICADU DE IMPRENTA

Cùglieri (AR), sèberat sa mùsica pro fàghere a connòschere su territòriu suo. Dae inoghe a pagu tempus at a essere su videu de unu cuntzertu in “Casteddu ‘Etzù”.

Un'eticheta musicale indipendente at filmadu s'esibizione de una band cun ripresas aèreas in unu de sos logos prus bellos de s'Ìsula.

Martis 12 de austu in “Casteddu ‘Etzù”, su Comune de Cùglieri (AR) at dadu printzìpiu a su progetu “rockKas in Campu”, un'idea a incuru de s'assòtziu e eticheta musicale “rockKas” de Iscanu (AR), chi consistet in s'ammàniu de cuntzertos in sos giassos prus bellos e rappresentativos de Sardigna.

Sos “WHIU WHIU!!!”, chi sunt unu de sos grupos sardos prus connotos a dies de oe, si sunt esibidos in un'ispetàculu ùnicu, sonende subra sa punta de su casteddu e lassende sa gente sena paràulas. Un'iscuadra de pitzocos espertos de fotografia e “videomaking” at filmadu e fotografadu a sos musitzistas pro totu su cuntzertu.

Sa punna est cussa de dare una cara frisca e moderna a su patrimoniu culturale e paesagisticu sardu, ponende-nche in campu sa mùsica in pare a su territòriu. Sa resurtada est unu videu de su cuntzertu, unu binòmiu intre sonos e natura chi “rockKas” s'ghit giai dae paritzos annos.

Antiogu Milia, presidente de s'assòtziu e ideadore de su progetu, est cumbinchidu chi s'essida de custu videu at a èssere de giudu mannu in su rennou de sa comunicatzione musicale, acostada a sa promotzione turistica e culturale de unu de sos giassos prus autènticos de s'Ìsula.

S'essida de su videu est programmada pro Martis 14 de santugaine a sas 11 de mangianu in totu sos canales de s'eticheta e in su situ de su Comune de Cùglieri.

- youtube.com/user/rockKasFestival
- facebook.com/rockKasFanPage
- twitter.com/rockKasFestival
- www.rockkas.it
- www.comune.cuglieri.or.it

Antiogu Milia
30/09/2014